


唐文粹

十四下千五下

台調



| | | |
|------|----|------|
| 内閣文庫 | | |
| 函 | 冊 | 號 |
| 三八 | 三六 | 三七九六 |
| 架 | 冊 | 號 |
| 三 | 冊 | 號 |
| 架 | 冊 | 號 |

| | | |
|------|----|------|
| 内閣文庫 | | |
| 函 | 冊 | 號 |
| 三八 | 三六 | 三七九六 |
| 架 | 冊 | 號 |
| 三 | 冊 | 號 |
| 架 | 冊 | 號 |

| | | |
|------|-----|-------|
| 内閣文庫 | | |
| 番號 | 漢 | 3796 |
| 冊數 | 36 | (5) |
| 函號 | 362 | 41 |


總集七十九号

五

共三十六



綴じ部(喉部分)の文字など開きが不鮮明な箇所あり



唐文粹卷第十四之下

古調六

總五十六首

雜言 謝陶

吳興姚

鉉

纂

雜興

雜興 蕭東中

雜言

謝陶

雜詩三首 權德輿

雜詩六首 李華

雜詩二首 張說

雜詩二首 儲光義

雜感 鮑防

雜言 司空圖

雜詩 獨孤及

雜諷九首 陸龜蒙

感興 崔膺

遺興三首 杜甫

雜言 賈至

寓興 賈島

辨士 賈島

不欺 賈島

口號 賈島

新昌里 姓合

悲歌三首 顧況

絕句 賈島

美人 陸龜蒙

客思楊敬之

感事 陸龜蒙

寓言 孟郊

傷感

汾陰行 李華

八月五日歌 顧況

三鄉驛伏觀玄宗望文几山詩小臣斐然有感 鑾馬

江南遇天寶樂叟 白居易 連昌宮辭 元稹

感興 李涉

玉華宮 杜甫

至開化里壽春宮故宅 韋應物

杜秋娘詩 杜牧

雜興

聶夷中

兩葉能蔽目雙豆能塞聰理身不知道將為天地聾擾擾造化內茫茫天地中苟或有所願七髮亦不容

雜言

謝陶

天不與人言禍福能自至水火雖活人暫不得即死蹈之焚斯須憑之溺容易水火與禍福豈有先言耳

雜詩三首

權德輿

婉彼羸氏女文蕭偶蕭史彩鸞駕 煙綽約兩仙子神期諒交感相顧乃如此豈比成都人琴心中夜起陽臺巫山上風雨忽清曠朝雲與遊龍變化千萬狀魂交復目斷縹緲難比沉蘭澤不可清凝情坐惆悵淇水春正綠上宮蘭葉齊光風兩搖蕩鳴珮出中閨一顧授橫波千金呈瓠犀徒然路傍子怳怳復悽悽

雜詩六首

李華

黃鍾叩元音律呂更循環邪氣悖正聲鄭衛生其間典樂忽消微波浪與天渾嘈嘈鳴梟動好鳥徒絲蠻王吉歸鄉里甘心長閉關 玄黃與丹青五氣之正色聖人端其源上丁皆有則齊侯好紫衣魏帝婦人飾文奴厭金翠傾海未滿臆何忍

嚴子陵羊裘死荆棘

甘酸不私人元和運五行生人受其用味正心亦平爪
牙相踐傷日與性命爭聖人不能絕鑽燧與炮烹嗜慾
乘此熾百金資一傾正消神耗衰邪勝體充盈顏子有
餘樂瓢中寒水清

陰魄淪宇宙太陽假其明臣道不敢專由此見虧盈未
聞東菑稼一氣嘉穀成上天降寒暑地利乃可生葛藟
附柔木繁陰蔽曾原風霜摧枝條不復庇本根文羅依
松栢然後得長存

孔光尊董賢胡廣慚李固儒風冠天下而乃敗王度絳
侯與與博陸忠朴受遺顧求名不考實文蔽反為害
結交得書生書生鈍且直爭權復爭利終不得其力我
逢縱橫者是我牙與翼相旋如疾風並命趨紫極奔車

得停軌風火何相通仁義
生直鈍直深可憶

豈有常肝膽反為賊勿嫌書

雜詩二首

張說

抱薰心怕焦舉施心怕心天長地自久歡樂能幾朝君
看西陵樹歌舞為誰嬌

問子青霞意何事留朱軒自言心遠俗未始迹辭喧遇
蒙良時幸側息吏途煩簪纓非宿好文史棄前言夕卧
北窓下夢歸南山園白雲漸幽谷清風媿泉源十年茲
賞廢佳期今復存挂以元謝朝侶星駕別君門

雜詩二首

儲光義

秋風肅天地大行高崔嵬猿狖清夜吟其聲亦何哀寂
寥掩圭華夢寐遊蓬萊琪樹遠亭亭玉堂雲中開洪崖
吹簫管素女飄飄來兩師既先後道路無纖埃鄙哉楚

襄王獨好雲陽臺

渾胚本無象末路多是非達士志寥廓所在能忘機耕
鑿時未至還山聊采薇虎豹對我蹲驚鷺傍我飛仙人
空中來謂我勿復歸格擇為君駕雲霓為君衣西近崑
崙墟可與世人違

雜感

鮑防

漢家海內承平久萬國戎王皆稽首天馬常銜首蕃花
胡人歲獻蒲萄酒五月荔枝初破頰朝離象郡夕函關
鴈飛不到桂陽嶺馬走皆從林邑山甘泉御果垂仙閣
日暮無人香自落遠物皆重近皆輕雞雖有德不如鶴

雜言

司空圖

烏飛飛兔蹶蹶朝來暮去驅時節女媧抵解補青天不
解煎膠黏日月

雜詩

獨孤及

百花結成子春物捨我去流年惜不得獨立空閨暮心
自有所待甘為物華悞未必千黃金買得一人顧

雜諷九首

陸龜蒙

紅蠶緣枯桑青繭大如甕人爭捩其臂羿矢亦不中微
微待賢祿一一希入夢縱操上古言口噤難即貢蛟龍
在怒水拔取牙角弄丹穴如可游家家畜孤鳳凶門尚
兒戲戰血波頽溶社鬼苟有靈誰能遏秋慟
童廩來觸犀德力不相及伊無愜心事祗有碎首泣况
將鵬虱校數又百與十攻如餓鴟叫勢若脫兔急漸為
朽閔鍵怒萃扶以入年來橫干戈未見拔城邑得非佐
饗者齒齒待豨汁羈維豪傑輩四駭方少繫此皆乘時
利縱舍在呼吸吾欲芥其吭無雷動幽蟄

歌鵝慘于冰陸力懷所適斯人道仍閱不得不鳴呢當時布衣士亦作天子宮至今東方生滿口自誇白終為萬乘交談笑無所隔致君非有書乃是堯舜畫稭令侯門峻日掃貧賤迹朝趨九韶音暮列五鼎食如聞恭儉語蹇蹇事夕惕可拍伊牧肩功名被金石

赤石可燒城讒邪易為伍詩人疾之甚取俾投豺虎長風吹窾大始有音韻吐一無木亦無風笙簧由喜怒女媧鍊五石天缺猶可補當一其利口銜罅漏不復數元精遺萬類雙目如瞞戶非是無以相參重瞳亦為瞽

東南有狂兕獵者西北矢一利塵白冥冥獨此清夜止無人語其事偶坐窺天紀安得東壁明洪洪用墳史搜揚好古士一以罄雲水流堪一麗菁英風足去稗秕如能出奇計坐可平賊壘徐陳義一並道高駕太平軌攬疏成特

雄濯詔為具美賢當上
寶景福視所履永播南薰音
垂之萬年耳

有蘂何香青空城雪霜六表千林盡枯槁苦節獨不死他遭匠石顧總入爨黃美一遂得保天年私心未為恥高從宿梟怪下亦容螻蟻大厦若掄材亭亭託君子

左右佩劍者彼此亦相笑趨時與閉門喧寂不同調潛機取聲利自許臻乎妙志士以神窺慚然真可弔天之發遐籟大小隨萬竅魁其鑿冶姿形質惟所召鼓篳磬等瑟是必登清廟伊聖不吾欺誰能守蓬藿

橫笛喝秋風清商入疏越君居不夜城肯怨孤戌月吳兵甚犀利太白光突兀日已費千金瘡聞侵一撥豈無惡年少縱酒遊俠窟募為敗死軍去以梟叛卒豈無中林士貫穿學問骨兵法五一家浩蕩如溟渤高懸鹿皮

睡清澗時依機分已諾煙霞全遺事干謁既非格猛獸
未可輕華髮北面師其謀幾能止征伐何妨秦董勇又
有曹歲說堯舜尚詢葛公乎聽無忽
朝為壯士歌暮為壯士歌壯士心獨苦傍人謂之何古
鐵久不快倚天無處磨將來易水上猶足生寒波捷可
搏飛狄健能超橐駝群兒被堅利素手安憑河驚颺掃
長林直木謝隨科巖霜凍大澤僵龍不如蛇昔者天血
碧吾徒安歎嗟

感興

崔膺

富貴難義合困窮易感恩古來忠烈士多出貧賤門世
上樹桃李但結繁華子白屋抱關人青雲壯心死本以
勢利交勢盡交情已如何失情後始歎門易軌

遺興三首

杜甫

蟄龍三冬卧老鶴萬里心昔時賢俊人未及猶視今
嵇康不得死孔明有知音又如壠底松用捨在所尋大哉
雪霜幹歲久為枯林
在昔龐德公未曾入州府襄陽耆舊間處士節猶苦豈
無濟時策終竟畏羅罟林茂鳥有歸水深魚知聚舉家
隱鹿門劉表焉得取
蓬生先無根漂蕩隨高風天寒落萬里不復歸本叢生
子念故宅三年品 石空帳望但烽火戎車滿山東
能幾何常在羈旅中
寓言二首 賈至
凜凜秋閨夕綺羅知早寒玉砧調鳴杵始搗機中紈憶
昨別離日桐花覆井欄今來思君時白露盈堦墀聞有
閔河信欲寄雙玉盤玉以委貞心盤以薦嘉殮嗟君在
萬里使妾衣帶寬

春草紛碧色佳人曠無期悠哉千里心欲採商山芝歎
惜良會晚如何桃李時懷君晴川上行立夏雲滋

寓興

賈島

莫居暗室中開目閉目同莫趨碧霄路容飛不容步暗
室未可居碧霄未可趨勸君跨仙竹日下雲為衢

寓興

歐陽詹

桃李有奇質樛櫟無妙姿皆承慶雲沃一種春風吹美
惡苟同歸喧囂徒爾為相將任玄造聊醉手中卮

不欺

賈島

上不欺星辰下不欺鬼神知心兩如此然後何所陳食
魚味在鮮食蓼味在辛掘井須到流結交須到頭此語
誠不謬敵君三萬秋

辯士

辯士多毀譽不聞談已非猛虎恣殺暴未常嚙妻兒
理天所惑當問誰求食飼雛禽
善哉君子人揚光掩瑕疵
吐出美言

新昌里

姚合

舊客常樂坊井泉濁而鹹新居新昌里井泉清而古僮
僕慣苦飲食美翻憎嫌朝朝忍飢行戚戚如難堪中下
無正性所習便滯耽一染不可便甚於茜與藍近貧日
益廉近富日益貪以此當自警慎勿信邪讒

口號

賈島

中夜忽自起汲此百尺泉林木含白露星斗在青天

絕句

海底有明月圓於天上輪得之一寸光可買千里春

悲歌三首并序

顧況

情思發動聖賢所不免也故師乙陳其宜延陵審其音
理亂之所經王化之所興信無逃聲豈徒文彩之麗遂
作歌以悲之

邊城路今人犁田昔人墓岸上沙昔時江水今人家
人昔人共長嘆四氣相催節迴換明月皎皎入華池
雲離離度青漢我欲昇天天隔霄我欲渡水水無橋
欲上山山路險我欲汲井井泉遙越人翠被今何夕
獨立沙邊江草碧紫燕西飛欲寄書白雲何處蓬萊客
新繫青絲百尺繩心在君家轆轤上我心皎潔君不知
轆轤一轉一惆悵何處春風吹曉幕江南淥水通朱閣
美人二八顏如花泣向春風畏花落臨春風聽春鳥別
時多見時少愁人一夜不得眠瑤井玉繩相對曉
軒轅黃帝初得仙鼎湖一去二千年周流三十六洞天

洞中日月星辰聯騎龍駕景遊八極軒轅弓劍無人識
東海青童寄消息

美人

陸龜蒙

美人抱瑤瑟哀怨彈別鶴雌雄南北飛一旦異栖託諒
非金石性安得宛如昨生為並蒂花亦有先後落秋林
對斜日光景自相薄猶欲悟君心朝朝佩蘭若

客思

楊敬之

禾黍正離離南園翦白芝細腰沉趙女高髻唱蠻姬路
愧前岡月梳慚一領絲鄉心不可語獨念畏人知

感事

陸龜蒙

將軍被鮫函祗畏金矢鏃豈知讒箭利一中成赤族古
來信簧舌巧韻淒鏘曲君聞悅耳音盡日聽不足初因
起豪髮漸可離骨肉所以賢達心求人須任目

寓言

孟郊

誰言碧山曲不廢青松直誰言濁水泥不汚明月色我有青松心俗騁風霜力貞明既如此摧折安可得

汾陰行

李嶠

君不見昔日西京全盛時汾陰后土親祭祠齋宮宿寢設厨供撞鐘鳴鼓樹羽旗漢家四葉才且雄賓延萬靈服九戎栢梁賦詩高宴罷詔書法駕幸河東河東太守親掃除奉迎至尊道鑿輿五營將校列容衛二河縱觀空里間回旌駐蹕降靈場焚香奠醑邀百祥金鼎發食正焜煌靈祗煒燁據景光埋玉陳牲禮神畢舉麾上馬乘輿出彼汾之曲嘉可游木蘭為檝桂為舟擢歌徵吟綵鷁浮簫鼓哀鳴白雲秋歡娛宴洽賜群石家家復除戶牛酒聲明動天樂無有千秋萬歲南山壽自從天子

向秦關玉輦金車不復還珠簾羽帳長寂寞鼎湖龍髯安可攀千齡人事一朝空四海為家此路窮雄豪意氣今何在壇場宮館盡蒿蓬路逢古老長歎息世事回環不可測昔時青樓對歌舞今日黃埃聚荆棘山川滿目淚沾衣富貴榮華能幾時不見只今汾水上唯有年年秋鴈飛

八月五日歌

顧況

四月八日明星出摩耶夫人降前佛八月五日佳氣新昭成太后生聖人開元九年燕公說奉詔聽置千秋節丹青廟裏貯姚宋花萼樓中宴岐薛清樂靈香幾處聞鸞歌鳳吹動祥雲已於武庫見靈鳥仍向晉山逢老君率土溥天無不樂河清海晏窮寥廓梨園弟子傳法曲張果先生進仙藥玉座凄凉遊帝京悲翁迴首望承明

雲韶九奏杳然遠唯有五陵松柏聲

三鄉驛伏觀玄宗望女几山詩小臣斐然有感

劉禹錫

開元天子萬事足惟惜當時光景促三鄉陌上望仙山
歸作霓裳羽衣曲仙心從此在瑤池三清八景相追隨
天上忽乘白雲去世間空有秋風辭

江南遇天寶樂叟

白居易

白頭病叟泣且言祿山未亂入梨園能彈琵琶和法曲
多在華清隨至尊是時天下太平久年年十月坐朝元
千官起居環珮合萬國會同車馬奔金鈿照耀石甕寺
蘭麝薰煮溫湯源貴妃宛轉侍君側體弱不勝珠翠繁
冬雪飄飄錦袍暖春風蕩漾霓裳翻歡娛未足燕寇至
弓勁馬肥胡語喧胡人遷避夷狄鼎湖龍去哭軒轅

從此漂淪到南土萬人死盡一身存秋風江上浪無限
暮雨舟中酒一樽涸魚久矣風波勢枯草曾沾雨露恩
我自秦來君莫問驪山渭水如荒村新豐樹老籠明月
長生殿暗鏤黃昏紅葉紛紛蓋欹瓦綠苔重重封壞垣
唯有中宮作宮使每年寒食一開門

連昌宮辭

元稹

連昌宮中滿宮竹歲久無人森似束又有墻頭千葉桃
風動落花紅蔌蔌宮邊老人為余泣小年選進因曾入
上皇正在望仙樓太真同憑欄干立樓上樓前盡珠翠
炫轉燦煌照天地歸來如夢復如癡何暇備言宮裏事
初過寒食一百六店舍無煙宮樹綠夜半月高絃索鳴
賀老琵琶定場屋力士傳呼覓念奴念奴潜伴諸郎宿
須臾覓得又連催特敕街中許燃燭春嬌滿眼睡紅綃

掠削雲鬢旋粧束飛上九天歌一聲二十五郎吹管逐
逡巡大徧梁州徹色色龜茲鞞錄續李暮聲笛傍宮牆
偷得新翻數般曲念奴後天宮中名妓嚴安之高力士大
於能接上而日不能禁衆樂為歌邪王二十宗嘗遣高小管逐
人於宗所否欲未嘗不念奴唱之盛奉其置在當時所重也
漸巡東洛有司潛遣從行而已潛游燈宗幸上陽宮夜後
有笛奏前夕屬明夕正月上駭之月宮密捕笛者詰驗之自
遂於天津橋云其奏前夕屬明夕正月上駭之月宮密捕笛者詰驗之自
駕發行宮萬人鼓舞途路中百官隊仗避歧薛楊氏諸
姨車闐風明年十月東都破御路猶存祿山過驅令供
頓不敢藏萬姓無聲淚潛隨兩京定後六七年却尋家
舍行宮前莊園燒盡有枯井行宮門闥樹宛然爾後相
傳六皇帝不到離宮門久閉往來年少說長安玄武樓

成花萼廢去年初使因斫竹偶值門開暫相逐荆榛擗
比塞池塘狐兔不嗚痴綠樹木舞榭歌傾基尚存文憲窈
窕紗猶綠塵埋以壁舊花鈿烏啄風箏碎珠玉上皇偏
愛臨砌花依然不榻臨階斜地出鷲巢盤闥拱菌生香
案正當衙寢殿不相連端正樓太真梳洗樓上頭晨光未
出簾影黑至今不及掛珊瑚鈎指向傍人因慟哭却出宮
門淚相續自從不此後還閉門夜夜狐狸上門屋我聞此
語心骨悲太平不誰致亂者誰翁言野父何分別耳聞眼
見為君說姚崇不宋璟作相公勸諫上皇言語切燮理陰
陽禾黍豐調和不中外無兵戎長官清平太守好揀選皆
言由相公開元不欲末姚宋死朝廷漸漸由妣子祿山宮
裏養作兒號國門前鬧如市弄權宰相不記名依稀憶
得揚與李廟謀不顛倒四海搖五十年來作瘡痂今皇神

一
二
三
四
五
六
七
八
九
十

聖丞相明詔書 纔下吳蜀平官軍又取淮西賊此賊亦
除天下寧年年耕種官前道今年不遣子孫耕老翁此
意深望幸努力 廟謀休用兵

感興

李涉

隋氏造宮闕 峨倚雲煙搜奇竭四海立制謀千年秦
兵半夜來烈火 焚高臺萬人聚筋血一旦為塵埃君看
汴河路尚說隋 家柳但問哭陵人秋草沒來又

王華宮

谿回松風長蒼 鼠竄古瓦不知何王殿遺構絕壁下陰
房鬼火青壞道 哀湍瀉萬籟真笙等秋色正蕭洒美人
為黃土况乃粉 黛假當時侍金輿故物獨石馬憂來藉
草坐浩歌淚盈 把舟舟征途間誰是長羊者

至開

化里壽春公故宅

常應物

寧知府中吏故 宅一徘徊歷階存往敬瞻位迄餘哀廢
井沒荒草陰 生綠苔門前車馬散非復昔時來

杜秋娘詩并序

杜秋

杜秋金陵女也 年十五為李錡妾後錡叛滅籍之入宮

有寵於景陵穆 宗即位命秋為皇子傅姆皇子壯封漳

王鄭注用事詠 丞相欲去已者指王為報王被罪廢削

秋因賜歸故鄉 子過金陵感其窮且老為之賦詩

京江水清滑生 一女白如脂其間杜秋者不勞朱粉施老

鼻即山鑄後庭 千蛾眉秋持玉笋飲與唱金縷衣李錡

君莫惜金縷衣 勸君須惜少年時 花開堪折直須折 莫待無花空折枝 灑既白首叛秋亦

紅淚滋吳江落 日渡灞岸綠楊垂聯裾見天子盼盼獨

依依椒壁懸 幕鏡奩蟠蛟螭低鬟認新寵窈窕復融

怡月上白壁門 桂影涼參差金階露新重閑捻紫簫吹

晉書盜開涼州張每苦夾城路南苑鴈初飛紅粉羽林

仗獨賜辟邪旗歸來煮豹胎饜飫不能飴咸池昇日慶

銅雀分香悲雲音後車遠事往落花時燕謀得皇子壯

髮綠綫綫畫帶一授傅姆夫人親捧持虎睛珠絡襟金盤

犀鎮帷長楊射熊羆武帳弄啞伊漸拋竹馬戲稍出舞

雞奇蕪蕪整冠珮侍宴坐瑤池眉宇儼圖畫神秀射朝

輝一尺桐偶人江充知自欺王幽茅土削秋放故鄉歸

觚稜拂斗極迴首尚遲遲四朝三十載似夢復疑非潼

關識舊吏髮已如絲却喚吳江渡舟人爭得知歸來

四鄰改茂苑苗菲菲青血灑不盡仰天知問誰寒衣一

匹素夜借鄰人機我昨金陵過聞之為歎歎自古皆一

貫變化安能推夏姬滅兩國逃作巫臣妻西子下姑蘇

一舸逐鷓夷蘇室魏豹俘作漢太平基誤置代籍中兩

朝尊母儀光武紹高祖本係生唐兒珊瑚破高齊作婢

春黃糜蕭后去楊州突厥為閼氏女子固不定士林亦

難期射鉤後呼父鉤翁王者師無國要孟子有人毀仲

尼秦因逐客令柄歸丞相斯安知魏齊首見斷簣中屍

給喪蹶張輩廊廟冠峨危珥貂七葉貴何妨戎虜支蘇

武却生返鄧通終死飢主張既難測翻覆亦其宜地盡

有何物天高復何之指何為而捉足何為而馳耳何為

而聽目何為而窺已身不自曉此外何思惟因傾一樽

酒題作杜秋詩愁來獨長詠聊可以自貽

吾文粹卷第十四之下

唐文粹卷第十五之上

古調七 總五十九首

懷古

四皓詩 李白

吳興姚 鉉 纂

穎陽東谿懷古 崔曙

登郭隗臺 皇甫松

歸沛縣道中晚泊留侯城 劉長卿

鴻門醢 王穀 古泉驛 張說

嚴陵釣臺下作 權德輿 吳仲懷古 劉駕

故絳行 杜頌 郢城懷古 李百藥

題西施浣紗石 胡幽貞 鄴城懷古 孟雲卿

懷賢 三君詠三首 高適 七愛詩六首 皮日休

陽城驛 元稹

集會 奉同徐侍郎重陽宴集作 獨孤及

高軒過 李駕

郡中與諸文士讌集 韋應

淮南秋夜呈周侶 李崑 夜飲東亭 宋之問

燕客辭 張籍 過賈六 蘇籍

餞送

送渾將軍出塞 高適 送郭大夫再使吐蕃 張說

送張舍人之江東 李白

吳興送梁補闕歸朝賦得荻花 朱長文

送周愿判官歸嶺南 姚係 送韓愈從軍 孟郊

送王昌齡赴江寧 岑參 送李十一尉臨谿 常建

奉送韋起居假滿歸嵩陽舊居 權德輿

送從叔簡 孟郊 感別從叔簡再東歸 孟郊

送弟郢東歸 孟郊

盧十五竹亭送姪偁歸山 楊衡

送李觀韓愈別兼獻張徐州 孟郊

送狄宗亨 王昌齡 送孟浩然之廣陵 李白

送客 陳子昂 送唐次 武元衡

送皇甫湜赴舉 馬融 送張宗原 姚合

送綦母潛落第還鄉 王維 淇上別趙仙舟 王維

送暨道士還王清 李頎 送沈秀才下第東歸 賈島

崔九弟欲往南山 王維 同前 裴迪

贈別沈四逸人 高適 留別王維 崔興宗

送豆盧策歸別墅 孟郊 送柳淳入關 孟郊

四皓詩 李白

白髮四老人 昂藏南山側 偃卧松雪間 冥翳不可識 雲

窓拂青靄 石壁橫翠色 龍虎方戰爭 於焉自休息 秦人

失金鏡 漢祖昇紫極 陰虹濁太陽 前星遂淪匿 一行佐

明兩歛 起生羽翼 功成身不居 舒卷在胸臆 宵冥合元

化 茫昧信難測 飛聲塞天衢 萬古仰遺跡

潁陽東谿懷古

崔曙

靈谿氛霧歇皎鏡清心顏空色不映水秋聲多在山世
人久踈曠萬物皆自閑白露寒更浴孤雲晴未還昔時
讓王者此地閉玄關

登郭隗臺

皇甫松

燕相謀在茲積金黃巍巍上者欲何顏使我千載悲

歸沛縣道中晚泊留侯城

劉長卿

訪古此城下子房安在哉白雲去不返危堞空崔嵬伊
昔楚漢時頗聞經濟才運籌風塵下能使天地開蔓草
日已積長松日已摧功名滿青史祠廟唯蒼苔百里暮
程遠孤舟川上迴進帆東風便轉岸前山來楚州澹相
引沙鷗閑不猜扣舷從此去延首仍徘徊

鴻門

王穀

寰海沸兮爭戰苦風雲愁兮會龍虎四百年漢欲開基
項莊一劍何虛舞殊不知人心去暴秦天意歸真主項
王足底踏漢土席上相看渾未悟

古泉驛

於陵仲子宅也

張說

昔聞陵仲子守義辭三公身貧妻織屨樂亦在其中豈
無窮賤苦羞與傾巧同長白臨河上於陵入濟東我今
行至此感嘆石泉空

嚴陵釣臺下作

權德輿

絕頂聳蒼翠清湍石磷磷先生晦其中天子不得臣心
靈棲顛元纓冕猶緇塵不樂禁中卧却歸江山春潛駐
東漢風日使薄者醇焉用佐天子持此報故人則知大
賢心不獨私其身弛張有深致耕釣陶天真柰何清風
後擾擾論屈伸交情同市道利欲相紛紛我行訪遺臺

仰古懷逸民，增繳鴻鶴迹。雪霜松桂新，江流去不窮。山色凌秋旻，人世自今古。清輝照無垠。

吳中懷古

劉駕

句踐飲膽日，吳王酒滿盃。笙歌入海雲，聲自姑蘇來。西施舞初罷，侍兒整金篦。衆女不敢妬，自比泉下泥。越鼓聲騰騰，吳王隔黃溪。難將甬東地，更學會稽栖。

故絳行

杜顥

君不見銅鞮觀，數里城池已蕪漫。君不見析襁宮，幾重臺榭亦微燬。介馬兵車全盛時，歌童舞女妖豔安。一代繁華皆共絕，九原唯望塚累累。

郢城懷古

李百藥

客心悲暮序，登墉瞰平陸。林澤宵芊緜，山川鬱重複。王公資設險，名都拒江隴。八方城疑北，門溟海窮南。服長策

挫吳豕，雄圖競周鹿。大蒐雲夢掩，壯觀章華築。人世更不競，西施日侵感。運圯屬駘馳，時屯恣敲朴。莫救夷陵火，無復秦庭哭。鄢郢遂丘墟，風塵俄慘黷。狐兔時遊踐，霜露日霑沐。釣渚故池平，神臺層宇覆。陣雲埋夏首，窮陰慘荒谷。悵矣洲壑遷，悲壯九年祀。倏雖異三春，望終傷千里目。

題西施浣紗石

胡幽真

朝入紫宮萬古遺，芳塵至今溪邊花不敢。嬌青春

鄴城懷古

孟雲卿

朝發淇水南，將尋北燕路。魏家舊城闕，寥落無人住。伊昔天地屯，曹公獨中據。群臣將北面，白日忽西暮。三臺竟寂寥，萬世難長固。雄豪安在哉，衰草露霜露。崔嵬長河北，尚見應劉墓。古樹藏龍蛇，荒茅伏狐兔。永懷故池

館數子連章句逸興驅山河雄辭變雲霧我行覩遺跡
精爽如相遇斗酒將酌君悲風白楊樹

三君詠并序

高適

開元中適游於魏郡北有故太師鄭公舊館里中有故
尚書郭公遺業邑外又有故太守狄公生祠焉覩物興
懷遂為三君詠

魏鄭公徵

鄭公經綸日隋氏風塵昏濟代取高位逢時敢直言道
光先帝業義激舊君恩寂寞卧龍處英靈千載魂

郭代公元振

代公實英邁津涯浩難識權兵抗矯徵仗節歸有德縱
橫負才智顧盼安社稷流落勿重陳懷哉為悽惻

狄梁公仁傑

梁公乃貞固勳烈垂竹帛昌言太后朝潛運儲皇策待
賢開相府共里登方伯至今青雲人猶是門下客

七愛詩并序

皮日休

皮子之志常以真純自許每謂立大化者必有真相以
房杜為真相焉定大亂者必有真將以太尉為真將焉
傲大君者必有真隱以盧徵君為真隱焉鎮澆俗者必
有真吏以元魯山為真吏焉負逸氣者必有真放以李
翰林為真放焉為名臣者必有真才以白太傅為真才
焉嗚呼吾之道時耶行其事也在乎愛忠矣不時耶行
其事也亦在乎愛忠矣苟有歌詠者豈徒然哉

房杜二相國

吾愛房與杜貧賤共聯步脫身拋亂世策杖歸真主縱
橫握中筭左右天下務翫麟無敵才磊落不世遇美矣

名公卿魁然真宰相黃閣三十年清風一萬古巨業照
國史太勳鎮王府遂使後世民至今受陶鑄粵吾少有
志敢躡前賢路苟得同其時願為執鞭豎

李太尉晟

吾愛李太尉崛起定中原驍雄十萬兵四面圍國門一
戰收三畿一叱散妖氛乘輿既反正兇豎爭亡魂魏魏
柱天功蕩蕩蓋世勳仁於曹孟德勇過霍將軍丹券入
帑藏青史傳子孫所謂大丈夫動合驚乾坤所謂聖天
子難得忠貞臣下以契魚水上以合風雲百世必一亂
千年方一人吾雖翰墨子氣槩敢下群願以太平頌題
向甘泉春

盧徵君鴻

吾愛盧徵君高卧嵩山裏百辟未一顧三徵方暫起坦
腹對宰相岸憤揖天子建禮門前吟金鑿殿裏醉天下
皆哺糟徵君獨絮已天下皆樂聞徵君獨洗耳天下皆
懷羞徵君獨多恥銀簧不妨懸赤紱不妨被而於心抱
中獨作羲皇地籃輦一云返泥詔褻不已再看緱山雲
重酌嵩陽水放曠書裏終逍遙醉中死吾謂伊與周不
若徵君貴吾謂巢與許不若徵君義高名無階級逸迹
絕涯涘萬世唐書中逸名不可比粵吾慕真隱彊以骨
肉累如教不為名敢有徵君志

元魯山

吾愛元紫芝清介如伯夷八輩母遠之官宰邑無點疵三
年魯山民豐稔不暫飢二年魯山吏清慎各自持只飲
魯山泉只採魯山薇一室工水蘗苦四遠聲光飛退歸舊
隱來斗酒入茅茨雞黍以此家畜琴樽常自怡盡日一菜

食窮年一布衣清似匣中鏡直如琴上絳世無用賢人
青山生白髮既卧黔婁人衣空立陳寔碑吾無魯山道空
有魯山辭所恨不相識以毫空涕垂

李翰林

吾愛李太白身是酒星魄口吐天上文跡作人間客礫
矧千丈林澄澈萬尋碧醉中草樂府十幅筆一息召見
承明廬天子親賜食醉曾吐御林傲幾觸天澤權臣妬
逸才心如斗筭窄失恩出內署海岳甘自適刺謁戴接
籬赴宴著穀辰諸侯百步迎明君九天憶竟遭腐脅疾
醉魄歸八極大鵬不可籠大椿不可摘蓬壺不可見姑
射不可識五嶽為辭鋒四溟作曾臆惜哉千萬年此後
不可得

白太傅

吾愛白樂天逸才生自然誰謂辭翰器乃是經濟賢效
從浮豔詩作得典詰篇立身百行足為文六藝全清望
逸內署直聲驚諫垣所刺必有思所臨必可傳忘形任
詩酒寄傲徧林泉所望握文柄所希持化權何期遇訾
毀中道多左遷天下皆汲汲樂天獨怡然天下皆悶悶
樂天獨捨旃高吟辭兩掖清蕭罷三川處世似孤鶴遺
榮同蛻蟬仕若不得志可為龜鏡焉

陽城驛

元稹

商有陽城驛名同陽道州陽公沒已久感我淚交流昔
公孝父母行與曾閱儔既孤善兄弟兄弟和且柔一夕
不相見若懷三歲憂遂是不婚娶沒齒同衾調妹夫死
他縣遺骨無人收公令季弟往公與仲弟留相別竟不
得三人同遠遊共負他鄉骨歸來藏故丘棲遲居下邑

邑人無苟偷里中競長短來問劣與優官刑一朝恥公
短終身羞公亦不遺布人自不盜牛問公何德爾忠信
先自修發言當道理不顧黨與讎聲香漸翕習冠蓋若
雲浮少者從公學老者從公遊往來相告報縣尹與君
侯名落公卿口湧如波薦舟天子得聞之書下再三求
書中願一見不異旱地蚪何以持為御駟馬駕安輶公
方伯夷操事殷不事周我實唐士庶食唐之田疇我聞
天子意安敢專自由來為諫大夫朝夕侍冕旒希夷博
簿俗密勿獻良籌神醫不言術人瘼曾暗瘳月請諫官
俸諸弟相對謀皆曰親戚外酒散目前愁公云不有爾
安得此嘉猷施餘盃酒客來相獻酬日旰不謀食春
深仍弊裘人心良感感我樂獨油油貞元歲云暮朝有
曲如鈞風波勢奔蹙日月光綢繆齒牙屬為猾未忝暗

生蚤豈無司言者肉食吞其喉豈無司標者利柄扼其
鞴鼻復勢氣寒不可辨薰蕕公雖未顯諫惴惴如患瘡
飛章八九上皆若珠暗投炎炎日將熾積燎無人抽公
乃率其屬決諫同報仇延英殿門外扣閣仍叩頭且曰
事不止臣諫誓不休上知不可過命以美語酬降官司
成署俾之為贅疣姦心不快活擊刺礪戈矛終為道州
去天道意悠悠遂令不言者反以言為訛喉舌坐成木
鷹鷂化為鳩避權如避虎冠豸如冠猴平生附我者詩
人稱好述私來一執手恐若墜諸溝送我不出戶決我
不迴眸唯有太學生各具糧與糗咸言公去矣我亦去
荒陬公與諸生別步步駐行騶有生不可訣行行遇閩
甌為師得如此得為賢者不道州聞公來鼓舞歌且謳
昔公居夏邑狎人如狎鷗況自為刺史豈復援鼓桴滋

彭一時罷教化天下道炎瘴不得老英華忽已愁有鳥
哭楊震無兒悲鄧攸惟餘門弟子列樹松與楸今來過
此驛若弔汨羅洲祠曹諱羊枯此驛何不侔我願避公
諱名為避賢郵此名有深意蔽賢天所尤吾聞玄元教
日月冥九幽幽陰蔽翳者永為幽翳囚

奉同徐侍郎五雲谿新亭重陽宴集作

獨孤及

萬峯蒼翠色雙谿清淺流已符東山趣况值江南秋白
露天地蕭黃花門館幽山公惜美景肯為芳樽留五馬
照池塘繁絃催獻酬風前孟嘉帽乘興李膺舟騁望傲
千古當歌遺四愁豈令永和入獨擅山陰遊

高軒過

李賀

華裾織翠青如葱金環壓纒搖玲瓏馬蹄隱耳聲隆隆

入門下馬氣如虹云是東京才子文章鉅公二十八宿
羅心胸元精昭昭貫當中殿前作賦聲摩空筆補造化
天無功庖肩書客感秋蓬誰知死草生華風我今垂翅
附冥鴻他日不羞蛇作龍

郡中與諸文士燕集

韋應物

兵衛森畫戟宴寢凝清香海上風雨至迢迢池閣涼煩
病正消散嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸見嘗俯飲一
杯酒仰聆金玉章神歡體自輕意欲凌風翔吳中盛文
史群彥今汪洋方知大藩地豈曰才賦彊

淮南秋夜呈周偁

李嶷

天淨河漢高夜閑砧杵發清秋急如此離恨應難歇風
亂池上瑩露光竹門月與君共遊處勿作他鄉別

夜飲東亭

宋之問

春水鳴大壑皓月吐層岑岑壑景色佳慰我遠遊心
闌芳足幽氣驚棲多衆音高興南山曲長謠橫素琴

燕客辭

張籍

上客不用顧金羈主人有酒君莫違請君看取園中花
地上漸多枝上稀山頭樹綠不見石谿水無風應更碧
人人齊醉起舞時誰覺翻衣與倒幘明朝花盡人已去
此地獨來空遶樹

過賈六

蘇晉

主人病且閑客來情彌適一酌復一笑不知日將夕
昨來屬歡遊於今盡成昔努力持所趣空名定何益

送薄將軍出塞

高適

將軍族貴兵且強漢家已是渾耶王子孫相承在朝野

至今部曲燕支下控弦盡用陰山兒臨陣常騎大宛馬
銀鞍玉勒繡盤狐每逐嫖姚破骨都李廣猶來先將士
衛青未肯學孫吳傳有沙場十萬騎昨日邊庭羽書至
城頭畫角三四聲匣裏寶刀晝夜鳴意氣能甘萬里去
辛勤動作一年行黃雲白草無前後朝望旌旗夕刁斗
塞下應多俠少年關西不見春楊柳從軍但問所從誰
擊劍酣歌當此時遠別無輕統朝策平戎早寄仲宣詩

送郭大夫再使吐蕃

張說

犬戎廢東獻漢使馳西極長策間酋渠猜阻自夷殛容
髮徂邊歲旌裘弊海色五年一見家妻子不相識武庫
兵猶動金方事未息遠圖侯才智苦節輸筋力脫刀贈
分手書帶如飧食知君萬里侯立功在異域

送張舍人之江東

李白

張翰江東去正值秋風時天晴一鴈遠海濶孤帆遲白日行欲暮滄波杳難期吳洲如見月千里幸相思

吳興送梁補闕歸朝賦得荻花 朱長文

柳家汀洲孟冬月雲寒水清荻花發一枝特贈朝天人願比蓬萊殿前雪

送周原判官歸嶺南 姚係

早蟬望秋鳴夜琴怨離聲眇然多異感值子江山行由來重義人感激事縱橫往復念遐阻淹留慕平生晨奔九衢餞暮始萬里程山驛風月樹海門煙霞城易綃泉源近拾翠沙淑明蘭蕙一為贈貧交空復情

送韓愈從軍 孟郊

志士感恩起變衣非變性親賓改舊觀僮僕生新敬坐作群書吟行為孤劍詠始知出處心不失平生正凄凄

天地秋凜凜軍馬令騷 塵時一飛物色極四淨王師旣不戰廟略盡無競王粲 有所依元瑜初應命一章諭檄

明百萬心氣定今朝旗 鼓前笑別大夫盛

送王昌齡赴 江寧 岑參

對酒寂不語悵然悲送 君明時不得用白首徒攻文澤國從一官滄波幾千里 群心滿天闕獨去過淮水舊家富春渚常憶卧江樓自 聞君欲行頻夢南徐州窮巷獨閉門寒燈靜深屋北風 吹微雪袍被肯同宿君今到京口正是桃花時舟中饒 孤興湖上多新詩潛蚪且深蟠黃鶴舉未晚惜君青雲 氣努力加餐飯

送李十一尉 常建

泠泠花下琴君唱渡江 帆天際一帆影預懸離別心以言神仙尉因致瑤華音 起軫撫商調越谿澄碧林

奉送韋起居老舅百日假滿歸嵩陽舊居

權德輿

威鳳翔紫氛孤雲出寥天
竒彩與幽姿縹緲皆自然
嘗聞陶唐氏亦有巢許全
以茲聳風俗豈必效羈牽
大君遂群芳左史蹈前賢
振衣去朝市賜告歸林泉
滑和固難久循性得所便
有名皆畏途無事乃真筌
舊壑窮香篠新潭澆淪連
巖花落又開山月缺復圓
輕策逗蘿逕幅巾凌翠烟
機閒魚鳥狎體和芝朮鮮
四皓本避難二疎猶待年
況今寰宇清復此鬢髮玄
顧慙纓上塵未絕區中緣
齊竿終自退心寄蒿峯巔

送從叔簡

孟郊

長安離別道宛在東城隅
一冬草根未死愁人心已枯
促水上游影遙遙天際途
生隨昏曉中皆被日月驅
北驥

繞山岳南帆指江湖
高蹤一超忽千里在須臾

感別從叔簡再東

去年車馬道高槐
結浮陰下有名利人一人千萬心
黃鶴共遠語滄溟無近潯
苦苦靜退姿冷冷思婦吟
菱唱忽生聽芸書迴望深
清風散言笑餘光綴衣襟
獨恨魚鳥別一飛將一沈

送弟郢東歸

爾去東南夜我無
西北夢誰言貧別易貧別愁更重
曉色奪明月征人逐群動
春風楚濤高旅榜將誰共

盧十五竹亭送姪偁歸山

楊衡

落葉寒擁壁清霜
夜露石正是憶山時復送歸山客
殷勤一樽酒曉月當窓白

送李觀韓愈別兼獻張徐州

孟郊

富別愁在顏貧別愁銷骨懶磨舊銅鏡畏見新白髮古
樹春無花子規啼有血離絃不堪聽一聽三四絕世途
非一險俗慮各千結有客步大方駟車獨迷轍故人韓
與李逸翰雙皎潔哀哉摧折歸贈辭縱橫設徐方國號
在元戎天下傑襴生投刺遊王粲吟詩謁高情無遺照
朗抱開曉月有土不埋冤有讎皆為雪願為直草木永
向君地列願為古琴瑟永向君地發欲識文夫心曾將
孤劍說

送狄宗亨

王昌齡

秋在水清山暮蟬洛陽樹色鳴皋煙送君歸去愁不盡
又惜空度涼風天

送孟浩然之廣陵

李白

故人西辭黃鶴樓煙花三月下揚州孤帆遠影碧山盡

唯見長江天際流

送客

陳子昂

故人洞庭去楊柳春風生相送河洲晚蒼茫別思盈白
蘋已堪把綠芷復含榮江南多桂樹歸客贈生平

送唐次

武元衡

都門去馬嘶霸水東流淺青槐驛路長白日離亭晚望
望煙景微草色行人遠

送皇甫湜赴舉

馬異

馬啼聲特特去入天子國借問去是誰秀才皇甫湜含
吐一腹文八音兼五色主文有崔李郁郁為朝德青銅
鏡必明朱絲繩必直稱意太平年願子長相憶

送張宗原

姚合

東門送客道春色如死灰一客失意行十客顏色低住

者既無家去者又非歸窮愁一成疾百藥不可治子賢
我且愚命分不合齊誰開塞蹟明日日同遊棲子行何
所之切切食與衣誰能買仁義令子無寒飢野田不生
草四向生路岐士人甚商賈終日須東西鴻鴈春北去
秋風復南飛勉君向前路無失相見期

送綦母潛落第還鄉

王維

聖代無隱者英靈盡來歸遂令東山客不作顧采薇既
至君門遠孰云吾道非江淮度寒食京兆縫春衣置酒
長亭送同心與我違行當浮桂棹未幾拂荆扉遠樹帶
行客孤村當落暉吾謀適不用勿謂知音稀

送暨道士還玉清

李頎

仙官有名籍度世吳江濱大道本無我青春長與君中
州俄已到至理得而聞明王降黃屋時人看曰雲空山

何窈窕三秀日氤氳遂此留書客超遙煙駕分

淇上別趙仙舟

王維

相逢方一笑相送還成泣祖席已傷離荒城復愁入天
寒遠山靜日暮長江急解纜君已遙望君空佇立

送沈秀才下第東歸

賈島

曲言惡者誰悅耳如彈絲直言好者誰刺耳如長錐沈
生才俊秀心腸無邪欺君子忘苟合擇交如求師毀出
嫉夫口騰入禮部闈下第若子取遺才人恥之東歸家
堂遠掉轡時參差嘶雲近吳見沐柳接楚垂明年春光
別迴首不復疑

崔九弟欲往南山

王維

城隅分手幾日還相見山中有桂花莫將花如霰

和

裴迪

歸山深遠去須盡立壑羨莫學武陵人暫遊桃源裏

留別王維

崔興宗

駐馬欲分襟清寒御溝上前山景氣佳獨往還惆悵

贈別沈四逸人

高適

沈侯未可測其况信浮沉十載常獨坐幾人知此心乘
舟到滄海買劍投黃金世務不足煩有田西山岑我行
遇知己遂得開清襟何意閩闕間沛然江海深疾風掃
秋樹濮上多鳴磬耿耿樽酒前聯鴈飛愁陰平生重離
別感激對孤吟

送豆盧策歸別墅

孟郊

短松鶴未巢高石雲始棲君為蕭灑去性與雲鶴齊力
買竒險地手開清淺泉身披薜蘿襟山涉莓苔梯一卷
永雪文避俗長自攜

送柳淳入關

青山輾為塵白日無閑人自古推高車爭利西入秦王
門與侯門待富不待貧空齋一束書獨去誰相親

唐文粹卷第十

之下

古調八

總六十六首

吳興姚

鉉

纂

秋入關

賈馳

蜀道後期

張說

蜀中將

留辭韋相公

歐陽詹

襄陽路

寒食

張說

巡邊在河北作

張說

奉和左司

員外先赴長安逢立春日贈韋侍郎

孫

初發太原

至途中寄太原所知

歐陽詹

西還至

關答喬補闕

陳子昂

剡谿行

寄新別者

朱勣

早發龍且館

中寄東海李司倉鄭司戶

及曉發

賀知章

月夜江行

權德輿

汴州阻風

孟雲卿

江行四首

權德輿

江行

柳中庸

懷寄

新都南直別郭元振盧崇道

寄侍御從舅權德輿秋暮山中寄李益端公鮑溶

寄趙七侍御因叙疇年之素寄懷於篇李華

偶題安州浮雲寺樓寄湖州張郎中杜牧

魏州從重丁寄耿拾遺姚合

洪州客全口寄柳博士芳薛業

岳州張中八君與王都督別詩二首因遥申和立

留別武陵太守王昌齡懷閻士和釋皎然

秋山寄小謙言王昌齡海上寄蕭五獨孤及

懷鄭洎五寄贈吳處士釋皎然

宿吉祥寺寄廬山隱者楊衡春夢岑參

贈遠陸魚蒙河梁別馬載有所思盧仝

寄遠李白怨情李白

生別離白居易別離陸龜蒙離怨張籍

春愁韓琮和贈遠獨孤及

失意傷歌行張籍遷謫江表久未歸竇叟

失志夜坐思歸楚江孟郊莫相疑行杜甫

失意歸吳寄劉侍郎孟郊答李昌期楊洵美

徐十八晦落第歐陽詹王夫子白居易

孟先生詩韓愈

疾病溫泉莊卧病寄楊七宋之問

訓于逖畢耀問病見贈獨孤及

秋園卧疾呈暉上人陳子昂

傷悼答宋主簿兼贈平昔遊舊盧藏用

對酒憶賀監三首李白哭玄英方干先生孫郈

弔王將軍墓常建國殤孟郊

岐路

鮑溶

北風送微寒徒侶勤遠程憂人席不暖殘月馬上明飄
飄岐路間長見日初生重嶂曉色淺踈猿寒啼清人間
多岐路常恐終身行迴見四方人車輪無留聲空谷亦
堪隱下田非懶耕古人有遺訓飽食非親榮我生禮義
鄉少小見太平聖賢獨羈旅况復非其名

秋入關

賈馳

河上微風來關頭樹初濕今朝關城吏又見孤客入上
國誰與期西來徒自急

晨裝行

歐陽詹

村店月西入山枝鳴鳩聲未裝徹夜席束囊事晨征寂
寂人尚眠悠悠天未時豈無偃息心所務前有程

蜀道後期

張說

客心爭日月來往預期程秋風不相待先至洛陽城

蜀中將歸留辭韋相公

歐陽詹

寧體即雲構方前恒玉食貧居豈及此要欲懷歸憶在
夢關山遠如流歲華逼明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭著屐尋山水
秣畏還家落春暮

巡邊在河北作

去年六月西河西今年六月北河北沙場磧路何為爾
重氣輕生知許國人生在世能幾時壯年征戰髮如絲
會待安邊報明主作頌封山也未遲

奉和左司員外自洛使入京中路先赴長安

逢立春日贈韋侍郎等諸公 孫逖

拜郎登省闈奉使馳車乘遙瞻使者星便是郎官應臺
妙時放言皇華德彌稱二陝聽風謠三秦望形勝此中
睽友益是日多詩興寒盡歲陰催春歸日華證忽覩
雲間數鴈迴更逢山上花正開河邊淑氣迎芳草林下清
風待落梅秋憲府中高唱入春邨署裏和聲來共言東
閣招賢地自有西征謝傅才

初發太原途中寄太原所思 歐陽詹

鷓鴣鳥覺漸遠迴頭長路塵高城已不見况復城中人去
意自未甘居情諒猶辛五原東北一管千里西南秦一履
不出門一車無停輪流萍與繫匏一早晚期相親

西還至散開荅喬補闕 陳子昂

歲蹉蒼梧鳳嘹唳白露蟬羽翰非木一匹結交何獨全昔
君事胡馬余得奉戎旃攜手同沙塞一開河緬一燕芳歲

涉陽止白日屢一但遷功業雲臺薄平生玉珮捐一此南
岬日猶聞北戍溫一代水不可涉巴江亦潺湲攬衣度函
谷銜涕望秦川蜀門自茲始雲山方浩然

剡溪行却寄新別者 朱倣

潺湲寒谿上自此成離別迴首望歸人移舟逢暮雪頻
行識草樹漸老傷年髮唯有白雲心為向東山月
早發龍且館舟中寄東海李司倉鄭司戶

獨孤及

沙禽相呼曙色分漁浦鳴榔十里聞正當秋風度楚水
况值遠道傷離群津頭却望後湖岸別處已隔東山雲
停艦目送北歸翼惜無瑤華持寄君

曉發

賀知章

故鄉杳無際江臯聞曙鍾始見沙上鳥猶埋雲外峰

月夜江行

扣舷不能寐，浩露清衣襟。彌傷孤舟夜，遠結萬里心。幽興惜瑤草，素懷寄鳴琴。三奏月初上，寂寥寒江深。

江行四首

曉

權德輿

曉風搖五兩，殘月映石壁。稍稍曙光開，片帆在空碧。

書

孤舟漾暖景，獨鶴下秋空。安流日正晝，淨淥天無風。

晚

古樹夕陽盡，空江暮靄收。寂寞扣舷坐，獨生千里愁。

夜

猿聲到枕上，愁夢紛難理。寂寂深夜寒，清霜落秋水。

江行

柳中庸

繁陰乍隱洲，落葉初飛浦。蕭蕭楚客帆，暮入寒江雨。

新都南亭別郭六元振

盧崇道

竹徑女蘿躑，蓮洲文石隄。靜深人俗斷，尋玩性還迷。碧

潭秀初月，素林驚夕棲。褰幌納鳥侶，罷琴聽猿啼。佳辰

改宿昔，勝寄坐睽攜。長懷賞心愛，如玉復如珪。

寄侍御從舅

初免職

權德輿

靡靡南軒蕙，迎風轉芬滋。落落幽澗松，百尺無附枝。世

物自多故，達人心不羈。偶陳幕中書，未負林間期。感恩

從慰薦，備性難繫維。野鶴無俗質，孤雲多異姿。清泠松

露泫照灼，巖花遲終賞。稅塵駕來就，東山嬉。

秋暮山中寄李益端公

鮑溶

舊事與日遠，酒花仍舊香。前年繡衣客，此節過此堂。侍

臣不自高，笑解繡衣裳。眠雲有餘態，鳥不亂行我。恐

雲嵐色損君，鞍馬光君言。此何言，今日皆異鄉。明日非

今日下山道路長一從下山去天地再炎涼此期果難
得夢君馬玄黃

寄趙七侍御自餘于谿行經弋陽至上饒山
川幽麗思與雲卿同遊邈不可得因敘疇年
之素寄懷於篇

李華

搖壘曙江流江晴山復重心愜賞未足川迴失前峰凌
灘出極浦曠若天地通君陽青嵯峨開圻混元中九潭
魚龍窟仙成羽人宮陰奧潛鬼物精光動煙紅玄猿啼
深艷竹定反楚越謂白鷗戲葱蒙飛湍鳴金石激溜鼓
雷風雨濯萬木鮮霞照千山濃草閑長餘綠花淨落幽
紅渚煙見晨釣山月聞夜春覆谿窈窕波涵石洶溶溶
丹丘忽聚散素壁相奔衝白日破昏靄靈山出其東勢
排昊蒼上氣壓吳越雄迴頸望雲卿此恨發吾衷昔日

蕭郎遊四人纔成童

蕭郎與謝靈運同三人及第謝靈運相屬詞慕孔門入仕希上

縉卿縉卿非罪折我昆吾鋒縉卿相屬詞慕孔門入仕希上

披身渡涼虹斯人謝明代百代墜鷓鴣披身渡涼虹斯人謝明代百代墜鷓鴣

顛無此節蒙恩逐殊封顛無此節蒙恩逐殊封

宋衣備朝容宋衣備朝容遺此兩孱翁群遷失鷺羽後凋惜長松

從餘生得攜手遺此兩孱翁群遷失鷺羽後凋惜長松

尚彼何人胡為束樊籠吾師度門教授弁躡遐蹤
題安州浮雲寺樓寄湖州張郎中杜牧

去夏疎雨餘同倚朱欄語當時樓下水今日到何處恨
如春草多事與孤鴻去楚岸柳何窮別愁紛若絮

魏州從事寄耿拾遺

姚合

不在兵馬間長還繫戎職雞飛不得遠豈要生羽翼三年城中遊與君最相識應知我衷腸不苟念衣食主人樹勳名欲滅天下賊愚雖乏智謀願陳一夫力人生須氣健飢凍縛不得睡當一席寬覺乃千里窄古人不懼死所懼死無益至交不可合一合難離析君嘗相勸勉苦語毒胃臆百年心知聞誰限河南北

洪州客舍寄柳博士

薛業

去年鷲巢主人屋今年花發路傍枝年年為客不到舍舊國存亡那得知胡塵一起天下亂何處春風無別離

予昔忝省閣與岳州張使君渾州王都督同

官聯事後承朝譴各自東西張公與王都督

別詩二首情頗殷切予覽以歎因遙申和云

韋嗣立

茂先正佐才作牧楚江隈登樓正欲賦復遇仲宣來黃

鵠飛將遠雕龍文為開寧知昔聯事聽曲有餘哀

昔時惜一賢纓冕會神仙一去馳江海相逢共播遷無

因十里為忽覩四愁篇覽諷歎何已歎終徒愴然

留別武陵袁丞

王昌齡

皇恩靈遷謫待罪逢知己從此武陵谿孤舟二十里挑

花遺古岸金澗流春水誰識馬將軍忠貞抱生死

舟行懷閩士和

釋皎然

二月湖南春草遍橫山渡口花如霰相思一日在孤舟

三見歸雲三兩片

秋山寄陳讜言

王昌齡

巖間寒事早衆山木已黃北風何蕭蕭茲夕露為霜感

激不能寐中宵時慨慷黃蟲初悲鳴玄鳥去我梁獨卧
時易既離群情更傷思君若不及鴻鴈今南翔

海上寄蕭五

朔風剪塞草寒露日夜結行行屆瀛壖歸思生暮節驛
樓元萬里延首望遼碣遠海入大荒平蕪際窮髮舊國
在夢想故人且胡越契闊阻風期荏苒成兩別海西望
京口兩地各天末索居動經秋載笑知曷日日窮南望
盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

杼山禪居寄東谿吳處士

釋皎然

青雲何潤澤下有賢人隱路入菱湖深跡與黃鶴近野

風吹白芷山月搖清軫詩相吳叔庠到君才不盡身當

青山秀

詩曰家住青山下青山有文體多鄙聲澄澈湘

水碧次溲楚天清時人格不同至今罕知名昔賢敦師

友此道獨君行既得廬霍趣乃高雷遠情別時春風多

掃盡雪山雪為君中夜起孤坐石上月悠然遺塵想邈

矣達性說故人不在幽桂惜未結

宿吉祥寺寄廬山隱者

揚衡

風鳴雲外鍾鶴宿千年松相思香不見月出山重重

春夢

岑參

洞房昨夜春風起遙憶美人湘江水枕上片時春夢中

行盡江南數千里

贈遠

陸龜蒙

茱萸匣中鏡欲照心還懶本是細鬢人別來羅帶緩從
君出門後不奏雲和管妾思冷如簧時時望君暖心期

夢中見路永魂夢短愁坐泣西風秋窻月華滿

河梁別

馬戴

河梁送別者行哭半非親此地足征戰胡天多殺人金罍照離席寶瑟疑殘春

有所思

盧仝

當時我醉美人家美人顏色嬌如花今日美人弃我去青樓珠箔天之涯娟娟嫦娥月三五二八盈又缺翠眉蟬鬢生別離一望不見心斷絕心斷絕幾千里夢中醉卧巫山雲覺來淚滴湘江水湘江兩岸花木深美人不見愁人心含愁更奏綠綺琴調高絃絕無知音美人兮美人不知為暮雨兮為朝雲相思一夜梅花發忽到窻前疑是君

寄遠

李白

美人在時花滿堂美人去後餘空牀牀中繡被卷不歸至今三載聞餘香香亦竟不滅入亦竟不來相思黃葉落白露濕青苔

寄遠

賈島

別腸多鬱紆豈能肥肌膚始知相結密不及相結疎疎別恨應少密離恨難祛門前南流水中有北飛魚魚飛向北海可以寄遠書不惜寄遠書故人今在無况此數尺身阻彼萬里途自非日月光難以知子軀

怨情

李白

新人如花雖可寵故人似玉猶來重花性飄揚不自持玉心皎潔終不移故人昔新今尚故還見新人有故時請看陳后黃金屋寂寂珠簾生網絲

生離別

白居易

食藥不易食梅難藥能苦兮梅能酸未如生別之為難
苦在心兮酸在肝晨雞載鳴殘月沒征馬重嘶行人出
迴看骨肉哭一聲梅酸酸不苦甘如蜜黃河水白黃雲秋
行人河邊相對愁天寒野曠何處宿棠梨葉戰風颼颼
生離別憂從中來無斷絕憂積心勞血氣衰未年三十
生白髮

別離

陸龜蒙

丈夫非無淚不灑別離間挾劍對樽酒恥為遊子顏
蝮蛇一螫手壯士急解腕所思在功名離別何足歎

雜怨

張籍

切切重切切秋風挂枝折人當少年嫁我當少年別念
君非征行年年長遠味妾身甘獨歿高堂有舅姑山川
豈遙遠行人自不返

春愁

韓琮

金烏長飛玉兔走青鬢長青古無有秦娥十六語如絃
木解貪花惜楊柳吳魚嶺鴈無消息水盼蘭情別來久
勸君年少莫遊春暖風遲日濃如酒

和贈遠

獨孤及

憶得去年春風至中庭桃李映瓊牕美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祗應獨有庭花知

傷歌行

張籍

黃門詔下促收捕京兆尹繫御史府出門無復部曲隨
親戚相逢不容語辭成謫尉南海州受命不得須臾留
身著青衫騎惡馬東門之東無送者郵夫防吏急喧驅
往往驚墮馬蹄下長安里中荒大宅東門已隕十二戟

高堂舞榭鑠管絃美人遙望西南天

遷謫江表久未歸

竇叅

一自經放逐徘徊無所從便為出山雲不隨飛去龍名
豈不欲保歸豈不欲早苟無三月資難適千里道離心
與羈思終日常草草人生年幾幾憂苦則先老誰能假
羽翼使我暢懷抱

失志夜坐思歸楚江

孟郊

夜學曉未休苦吟神鬼愁如何不自閑心與身為讎死
辱片時痛生辱長年羞青桂無直枝碧江思舊遊

失意歸吳寄劉侍郎

孟郊

自念西上身忽隨東歸風長安日下影又落江湖中離
妻豈不明子野豈不聰至寶非眼別至音非耳通因緘
俗外辭遠寄高天鴻

答李昌期

楊汝美

三山載群仙峩峩鹹浪中霞衣剪不得此路安可從我
生亦何事出門如飛蓬白日又黃昏所非心瑤草空蟲聲
故鄉夢枕上禾黍風吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬
萊宮自怪一日聲烜赫集賢學士如堵堵觀我落筆中
書堂往時文彩動人主今日飢寒趨路傍晚將末節契
年少當面論心背面笑寄謝悠悠世上兒莫爭好惡莫
相疑

王夫子

白居易

王夫子送君為一尉東南三千五百里道途雖遠位雖
卑月俸猶堪活妻子男兒口讀古人書束帶斂手來從

仕近將徇祿給一家遠則行道佐時理行道佐時須待
命委身下位無為恥命苟未來且求食官無高卑及遠
遊男子上既未能濟天下下又未至飢寒死吾觀九品
至一品其間氣味都相似紫綬朱衣青布衫顏色不同
而已矣王夫子別有一事欲勸君遇酒逢花且歡喜

孟先生詩

韓愈

孟生江海士古貌又古心嘗讀古人書謂言古猶今作
詩三百首冥然成池音騎驢到京國欲和薰風琴豈識
天子居九重繼沈沈一門百夫守無籍不可尋晶光蕩
相射旗戟翻以森遷延乍却走驚怪靡自任舉頭看白
日泣涕下沾襟襟竭來遊公卿莫肯低華簪諒非軒冕族
應對多差參萍蓬風波急桑榆日月侵奈何從進士此
路轉嶇欽異

負忌處辟孤芳難寄林誰憐松桂性競

桃李陰朝悲辭樹葉夕感歸巢禽顧我多慷慨窮簷
見臨清宵靜相對髮白恥苦吟採蘭赴幽念眇然望東
南秦吳脩且阻兩地無數金我論徐方好古天下欽
竹實鳳所食德馨神所散求觀衆丘小必上泰山岑求
觀衆流細必泛滄溟深予其聽我言可以當所箴既獲
則思返無為久滯滯卞和誠三獻期子在秋壘

徐十八晦落第

歐陽詹

嘉穀不夏熟大器當晚成徐生異凡鳥安得非時鳴
汲有攸為驅驅無本情懿哉蒼梧鳳終見排雲征

溫泉莊卧病寄楊七炯

宋之問

多病卧茲嶺寒寒憊幽獨賴有嵩丘山高枕長在目茲
山棲靈異朝夜翳雲族是日濛雨晴返景入巖谷羃羃
綠澗草菁菁山下木此意方無窮環顧恨林麓伊洛何

悠漫洲源信重複夏餘烏獸蓄秋未未黍熟秉願守樊
圃歸閑欣藝牧惜無載酒人徒把涼泉掬

夏中誦于逸畢耀問病見贈 獨孤及

救物智所昧學仙願未從行藏兩垂角蹭蹬風波中冷
跡未據念卧病非養蒙閉關涉兩旬羈思浩無窮驚鷺
何處來雙舞下碧空離別隔雲雨惠然此相逢把手賀
疾間舉杯欣酒濃新詩見久要清論激深衷高館舒夏
簾開門延微風火雲赫差我日暮千萬峰遙指故山笑
相看撫號鐘聲和由心親事感和氣同出處未易料且
歌緩愁容願君崇明德歲暮如青松

秋園卧疾呈暉上人 陳子昂

幽寂曠日遙林園轉清密疲病澹無豫獨坐泛瑤瑟懷
挾萬古情憂虞百年疾絲絲多滯念忽忽每如失緬想

赤松遊高尋紫庭逸勞悵始都喪幽人遂貞吉圖書紛
滿牀山水藹盈室宿昔心所尚平生自茲畢願言誰見
知梵筵有同術八月高秋晚涼風正蕭瑟

宋侯鳴臯夢趙六予未及報而陳子云亡今
追為此詩答宋主簿兼貽平昔舊遊 盧藏用

暮川罕停波朝雲無留色故人琴與詩可存不可識識
心尚可親琴詩非故人鳴臯初夢趙蜀國已悲陳感化
傷淪滅蒐交惜未申冥期失幽報茲理復今晨前嗟成
後泣已矣將何及舊感與新悲虛懷疇昔時趙侯鴻寶
氣獨負青雲寶群有含妙識衆象懸清機雄談盡物變
精義解人願在陰旣獨善幽躍自為疑踈彼千里足傷
哉一尉欺陳生富清理卓犖兼文史思縟巫山雲調逸
岷江水鏗鏘哀忠義感激懷知己負劔登薊門孤遊入

燕市浩歌去京國歸守西山趾幽居探元化立言見千
祀埋沒經濟情良圖竟云已坐憶平生游十載懷嵩丘
題書滿古壁採藥遍巖幽子微化金鼎僊笙不可求榮哉
宋與陸名宦美中州在亡一睽阻岐路方悠悠自余事
山海及茲人世改傳聞當世榮皆是古人名無復平原
賊空餘隣笛聲泣對西川使悲訪北邙塋新墳蔓宿草
舊闕毀殘銘為君成此曲因言寄友生默語無窮事凋
傷共此情

對酒憶賀監二首并序 李白

太子賓客賀監於長安一見呼予為謫仙人因解金龜
換酒為樂沒後對酒悵然有懷而作是詩
四明有狂客風流賀季真長安一相見呼我謫仙人昔
好盃中物今為松下塵金龜換酒處却憶淚沾巾

其二

狂客歸四明山陰道士迎勅賜鏡湖水為君臺沼榮人
亡餘故宅空有荷花生念此杳如夢悽然傷我情

重憶一首

欲向江東去定將誰舉盃稽山無賀老却悼酒舡迴
哭玄英方干先生 孫郈

斗牛文星落知是先生死湖上聞哭聲門前見彈指官
無一寸祿名傳千萬里死著紙衣裳生誰念朱紫我心
痛其語淚落不能已猶喜韋補闕揚名獻天子

弔王將軍墓

常建

嫖姚北伐時深入疆千里戰餘落日黃軍敗鼓聲死常
聞漢飛將可奪單于壘今與山鬼隣殘兵哭遼水


國殤

孟郊

徒言人最靈白刃亂縱橫誰言當春死不及群草
舜宰乾坤器農不器兵秦漢盜山岳鑄殺不鑄耕天地
莫生金生金人起爭

晉府

勅賜養德書院校正重刊



文粹卷第十五下

